



Universitätsbibliothek Paderborn

Venerabilis Patris Thomæ à Jesu ... Opera Omnia

Homini Religioso Et Apostolico Tam Qvo Ad Vitæ Activæ, Qvam
Contemplativæ functiones utilissima, Duobus Tomis Comprehensa. In
Qvibvs Singvlari Pietate, Varia Ervditione Clariori Et Breviori Stylo
Continentvr Et Explicantvr ...

Tomás <de Jesus>

Coloniæ Agrippinæ, 1684

Prologvs.

urn:nbn:de:hbz:466:1-38601

stitutiones, & Instituta benè nota. Visitatores habere studebunt, ut possint aliorum defectus integrè agnoscere, ac exactius corrigeret; Morum deinde gravitatem, ac vitæ integritatem, ac multò magis sanctitatem ita præ se ferant, ut quod aliis proponunt, suo exemplo sibi propositum in primis ostendant.

SERIES DICENDORVM.

Duplici modo, quantum ad præsens attinet propositum, Visitator procedere potest, & debet. Primo præmittenda est illi inquisitio omnino generalis, qua in genere inquiritur; An subditi proprium Institutum, & Regulas accurate obseruent? An fortè in earum observatione passim deficiant? An præterea relaxationes Regulae, ac Constitutionum transgressiones impunè à Superioribus permittantur? Deinde descendere debet ad inquisitionem specialem. Est autem inquisitio specialis illa, in qua de certa persona, sive de certo peccato inquiritur, v. g. An Petrus commiserit tale peccatum? Totus igitur visitationis progressus, tām inquisitione generali, quam speciali, circumstantiisque aliis, de quibus infrā, observatis inchoatur, ac perficitur. Quare quid ad utriusque generis inquisitionem pertineat, quatuor Tractatibus breviter absolvemus.

In PRIMO; qualiter debeat fieri inquisitio generalis, & quæ in ea peti, aut interrogari possint, & de tribus viis, nempè accusatione, denuntiatione juridica, & denuntiatione Evangelica (præmissis interm de correctione fraterna integro Tractatu, aliisque ad visitationem omnino spectantibus) per quas manifestari Superioribus delinquentium peccata solent, differemus. In SECUNDO; de modo speciatim inquirendi, tām ad instantiam partis denunciantis, quam ex proprio munere Prælatorum; ubi de prærequisitis ad juridicē instituendam inquisitionem plenē, favente DEO, agendum erit. TERTIUS vero Tractatus duo principaliter, quæ inquisitionem specialem consequuntur, continebit. Primo enim de modo formandi processum, de testimoniū examine, deque à reo confessione exigenda dicemus. Secundò de sententia à Visitatore ferenda, ac de appellatione, quando, & quibus sit concedenda, qua poterimus brevitate pertractabimus. QUARTÒ demum Tractatu penas malefactoribus secundūm delicti qualitatem infligendas: ne pro libitu Prælatis in hac parte excedere contingat, exponemus.

TRACTATUS I.

DE INQVISITIONE GENERALI,
& de illis, quæ eam consequi solent.

PROLOGVS.

Ab inquisitione generali Prælatorum visitatio initium sumere debet; Inquisitione verò generali præmissa, manifestari solent Visitatori peccata, si quæ sunt in illa domo, aut per viam accusationis, aut per viam denuntiationis juridica, aut tandem per viam denuntiationis Evangelica, quibus permoti Prælati ad inquisitionem specialem de culpa sibi revelata faciendam, juxta regulas Iuris procedere debent, de qua quidem inquisitione sequenti Tractatu differemus.

CA-